



# AGIUNTA GRISCHUNA TAR IL MUSSAVIA DAL CMA


Ediziun dal mars 2005

---

Cun quest mussavia per fusiuns da vischnancas porscha il center da management d'administraziun (CMA) da la scola auta da tecnica ed economia (SATE) a Cuira ina basa per pudair planisar e realisar projects da cooperaziun e da fusiun. El na sa drizza betg mo a circuls interessads en il Grischun, mabain al public da l'entira Svizra. Perquai ha l'inspecturat da vischnancas redigì – sco cumplettaziun dal mussavia – in'aggiunta che tschenta dumondas relevantas per las vischnancas grischunas e che mussa la procedura e la collavuraziun dal chantun tar fusiuns da vischnancas grischunas. L'aggiunta vegn adattada permanentamain a las novas enconuschientschas e cumpletta correspondentamain.

Inspecturat da vischnancas, mars 2005  
[www.gi.gr.ch](http://www.gi.gr.ch)  
[info@gi.gr.ch](mailto:info@gi.gr.ch)


- 1**    **Procedura tar fusiuns da vischnancas en il Grischun**
- 2**    **Collavuraziun dal chantun tar fusiuns da vischnancas en il Grischun**
- 3**    **Catalog da dumondas per fusiuns da vischnancas en il Grischun**



## PROCEDURA TAR FUSIUNS DA VISCHNANCAS EN IL GRISCHUN

Ediziun dal mars 2005

1. Infurmar las autoritads chantunales davart il project; scleriments davart la dimensiun e davart il gener da la cooperaziun persunala e finanziaria dal chantun  
*post da contact: inspecturat da vischnancas*
2. Dumonda a la regenza per ina contribuziun al studi da fusiun; decisiun da la regenza
3. Suentar ch'il studi da fusiun è avant maun: dumonda a la regenza per ina contribuziun dal chantun (art. 93 da la lescha da vischnancas, LV); decisiun da la regenza
4. Examinaziun preliminar da la cunvegna (art. 91 LV) tras il servetsch giuridic chantunal  
*post da contact: servetsch giuridic dal departement da l'intern e da l'economia publica (DIEP)*
5. Approvaziun da la cunvegna (contract da fusiun) tras las singulas radunanzas communalas
6. Approvaziun da la cunvegna (art. 91 LV) tras la regenza; missiva al cussegl grond
7. Examinaziun preliminar dals relaschs fundamentals da la nova vischnanca (constituziun communal, lescha da taglia) tras ils servetschs giuridics chantunals  
*post da contact: constituziun communal: DIEP  
lescha da taglia: administraziun da taglia*
8. Approvaziun dal nov num da vischnanca en il senn da l'ordinaziun davart ils toponims, ils nums da vischnancas e da staziuns (RS 510.625)
  - Ⓜ approvaziun provisorial da la regenza
  - Ⓜ comunicaziun a la direcziun federala da mesiraziun che fa ina consultaziun tar ils posts federals e che publitgescha il num
  - Ⓜ conclus da la regenza; prender enconuschientscha da la comunicaziun da la confederaziun*post da contact: uffizi d'agricultura, meglieraziun da structura e mesiraziun (cumissiun da nomenclatura)*
9. Approvaziun da la nova vopna da la vischnanca en il senn dal conclus da la regenza dals 7 da november 1952 davart la nominaziun uffiziala da las vopnas grischunas cirquitalas e communalas  
*post da contact: cumissiun eraldica chantunala, c/o archiv dal stadi*
10. Eventuala disposiziun da la fusiun d'ina vischnanca tras il cussegl grond en il senn da l'art. 94 LV (sforz)
11. Messa en vigur da la fusiun tras il cussegl grond (art. 88 LV)
12. Radunanza communal constitutiva da la nova vischnanca (relaschar la constituziun communal e la lescha da taglia, elecziuns)



## COLLAVURAZIUN DAL CHANTUN TAR FUSIUNS DA VISCHNANCAS EN IL GRISCHUN

Ediziun dal mars 2005

L'enumeraziun che suonda mussa la purschida dal chantun per sustegnair projects da fusiun. Il post da contact è l'inspecturat da vischnancas: [www.gi.gr.ch](http://www.gi.gr.ch), [info@gi.gr.ch](mailto:info@gi.gr.ch), 081 257 23 91

### 1. **Cussegliaziun ed accumpagnament da project**

- cooperar tar occurrenzas d'infurmaziun
- cooperar tar discurs da partenza e gidar a far l'organisaziun dal project
- intermediar ils contacts cun ils posts spezialisads dal chantun en cas da dumondas materialas e per ils singuls pass da la procedura
- cooperar tar l'analisa da las finanzas
- cooperar en gremis directivs ed en gremis da l'examinaziun preliminar
- gidar tar la realisaziun

### 2. **Cooperar e coordinar tar las proceduras entaifer il chantun (cf. las proceduras tar fusiuns da vischnancas en il Grischun)**

### 3. **Scleriments e discurs en connex cun dumondas e contribuziuns finanzialas dal chantun a studis da project ed a la fusiun da vischnancas**

Criteria per garantir contribuziuns a studis davart fusiuns da vischnancas:

- scleriments preliminar concernent il perimenter sco er il cuntegn e la finamira dal studi è terminads
- la decisiun per il studi è prendida da l'istanza cumpetenta ed il credit è deliberà
- il project sto prevair ina votaziun dal pievel davart in'eventuala fusiun

### 4. **Metter a disposiziun ed analizar material da cifras (statistica da las finanzas communalas, ulteriuras analisas). Ina part da questas datas porscha l'inspecturat da vischnancas sin sia homepage.**

### 5. **Rinviamet a documents actuals ed a litteratura actuala**

- Leitfaden für Gemeindefusionen. Zentrum für Verwaltungsmanagement ZVM der Hochschule für Technik und Wirtschaft HTW Chur. 2005
- Ginfo 1/2000 "Vischnancas suenter l'onn 2000". Publicaziun d'infurmaziun da l'inspecturat da vischnancas [www.gi.gr.ch](http://www.gi.gr.ch) / *Publikationen / Sonderginfo*
- rapport concernent la revisiun parziala da la lescha davart la gulfaziun da finanzas intercommunalas e concernent la promoziun da fusiuns da vischnancas, december 2004 [www.div.gr.ch](http://www.div.gr.ch) / *Mitteilungen und Projekte / Projekte*
- consultaziun davart la revisiun parziala da la lescha da vischnancas dal chantun Grischun, december 2004 [www.div.gr.ch](http://www.div.gr.ch) / *Mitteilungen und Projekte / Projekte*
- brochura "Corporaziuns regionalas en il chantun Grischun", ERFA-regio mars 2004 [www.awt.gr.ch](http://www.awt.gr.ch) / *Übersicht / Dokumente*
- missivas da la regenza concernent las fusiuns da vischnancas
  - carnet nr. 7, fusiun da las vischnancas da Camuns, Surcasti, Tersnaus ed Uors-Peiden a la vischnanca da Suraua, 2001/02
  - carnet nr. 5, fusiun da las vischnancas da Donat e Pazen-Farden a la vischnanca da Donat, 2002/03 [www.gr.ch](http://www.gr.ch) / *nossas instituziuns / Parlament / Missivas*



## CATALOG DA DUMONDAS PER FUSIUNS DA VISCHNANCAS EN IL GRISCHUN

Ediziun dal mars 2005

Il catalog da dumondas qua avant maun sa basa essenzialmain sin experientschas cun fusiuns da vischnancas en il chantun Grischun. Il sistem sa drizza tenor la structura funcziunala dal model armonisà da contabilitad (MAC). Ils uschenumnads facturs loms èn vegnids integrads uschè bain sco pussaivel en la sistematica. Quest catalog da dumondas porscha impuls da reflexiun per la lavur da project. El duai pudair vegnir applitgà tenor situaziun ed adattà correspudentamain.

|            |  |
|------------|--|
| <b>0</b>   | <b>Administraziun generala</b>   |
| <b>00</b>  | <b>Dumondas giuridicas</b> <ul style="list-style-type: none"> <li>• Fin a tge termin duain la constituziun communal, las leschas communalas ed ils reglements communal vegnir elavurads ed adattads?</li> <li>• Vegnan fixadas disposiziuns transitorias?</li> <li>• Ston ils statuts da corporaziuns vegnir adattads? Vegnan liquidadas corporaziuns?</li> <li>• Ston las commembras u ils commembers da las corporaziuns vegnir elegids da nov?</li> <li>• Survegnan las vischnancas vertentas il status da fracziuns?</li> <li>• Tge incumbensas vegnan eventualmain surdadas a las fracziuns?</li> </ul>   |
| <b>301</b> | <b>Legislativa ed executiva</b> <ul style="list-style-type: none"> <li>• Tge linguas vegnan definidas sco linguas uffizialas?</li> <li>• Nua ed en tge lingua vegnan fatgas en il futur las radunanzas communalas? Èsi raschunaivel d'introducir ina vischnanca da votaziun?</li> <li>• È in parlament communal raschunaivel?</li> <li>• Quantas commembras u quants commembers duain furmar la suprastanza?</li> <li>• Fin a tge termin resta responsabla la suprastanza communal vertenta?</li> <li>• È prevesida l'elecziun d'ina suprastanza communal per la fasa transitoria?</li> <li>• È prevesi in proporz da represchentantas e da represchentants da las vischnancas vertentas?</li> <li>• Vegn il proporz limità areguard il temp? Datti termin transitoris?</li> <li>• Tge vischnanca tschenta la presidenta u il president?</li> </ul>  |
| <b>02</b>  | <b>Administraziun communal</b> <ul style="list-style-type: none"> <li>• Nua vegn ad esser la sedia da l'administraziun? È ella centrala u decentrala?</li> <li>• Tge administraziuns vegnan abolidas?</li> <li>• Co po il servetsch da l'administraziun restar en vischinanza da la clientella?</li> <li>• Tge consequenzas han las fusiuns da las administraziuns per ils custs a curta vista resp. a lunga vista?</li> <li>• Tge succeda cun il persunal?</li> <li>• Exista ina planisaziun da persunal resp. da las plazzas da lavur?</li> <li>• Quants pertschients da plazzas basegna la nova administraziun en la fasa transitoria? Quants pli tard?</li> <li>• Tge partiziun da la lavur è prevesida per las chanzlistas exclusivas vertentas u per ils chanzlists exclusivs vertents?</li> <li>• Duai vegnir elavurà in plan social?</li> <li>• Ston vegnir fatgs novs contracts da lavur?</li> <li>• Vegnan adattads ils (differents) nivels da salari?</li> <li>• Cura e co vegn infurmà il persunal?</li> <li>• Nua sa chatta l'archiv nov? Tge succeda cun actas veglias?</li> <li>• Tgi fa la revisiun dal quint annual?</li> </ul> |

|           |   |
|-----------|---|
| 021       | <p>Administraziun da construcziun</p> <ul style="list-style-type: none"> <li>• Co duai vegnir organisà l'uffizi da construcziun?</li> <li>• È planisada ina professionalisaziun da l'uffizi da construcziun?</li> </ul>   |
| 022       | <p>Vischnanca burgaisa</p> <ul style="list-style-type: none"> <li>• Tge consequenzas ha la fusiun per las vischnancas burgaisas? (art. 89 da la lescha da vischnancas, LV)</li> <li>• En tge vischnancas existan vischnancas burgaisas?</li> <li>• Han las vischnancas burgaisas existentas in agen quint?</li> <li>• Tgenins dals suandants scenaris vegnan prendids en mira? <ol style="list-style-type: none"> <li>1. Fusiun cun la vischnanca politica?</li> <li>2. Fusiun da las vischnancas burgaisas ad ina vischnanca burgaisa?</li> </ol> </li> </ul> <p>Co duai vegnir reglada la fusiun da las vischnancas burgaisas?</p> <ol style="list-style-type: none"> <li>1. Fusiun da las valurs da facultad, nova constituziun da la vischnanca burgaisa?</li> <li>2. Cunvegna tranter las vischnancas burgaisas vertentas davart l'utilisaziun futura da la facultad vertenta?</li> <li>3. Excorporaziun da tscherts tips d'utilisaziun (alps/pastgiras) a corporaziuns (localas) da dretg public sco associaziuns u fracziuns?</li> </ol> |
| 029       | <p>En general</p> <ul style="list-style-type: none"> <li>• Co ha num la nova vischnanca?</li> <li>• Co vesa or la nova vopna?</li> <li>• En tge secturs survegnan las abitantas ed ils abitants da la nova vischnanca dapli cumpetenza da decider/autonomia?</li> <li>• Co po vegnir mantegnì il "spiert dal vitg"? Co sa sviluppa il senn per la cuminanza?</li> </ul>   |
| <b>07</b> | <p><b>Immobiglias da la facultad administrativa</b></p> <ul style="list-style-type: none"> <li>• Tge succeda cun ils edifizis che tutgan a las vischnancas e che na vegnan betg pli duvrads per incumbensas publicas?</li> <li>• Tge locals da votaziun restan?</li> <li>• Tge succeda cun ils stabiliments da temp liber? (champs da vacanzas, stabiliments da sport, ...)</li> <li>• Tge princips valan per uniuns e per gruppaziuns che vulan duvrar localitads communalas?</li> <li>• Basegni adattaziuns en il sector da l'infrastructura? Èn investiziuns necessarias?</li> <li>• Restan las utilisaziuns per in auter intent senza consequenzas areguard las subvenziuns prestadas?</li> </ul>   |
| <b>1</b>  | <b>Segirezza publica</b>  |
| <b>10</b> | <b>Surveglianza giuridica</b>   |
| 100       | <p>Register funsil</p> <ul style="list-style-type: none"> <li>• Co è il stadi da las mesiraziuns e dals indrizs dal register funsil federal en las singulas vischnancas?</li> <li>• Tge geometra u tge geometer vegn incumbensà?</li> <li>• Tge acziuns areguard il register funsil effectuescha la fusiun? (mesiraziun funsila, transferiments da la proprietad, ...)</li> <li>• È necessaria in'adattaziun dals circuls da register funsil?</li> </ul>  |
| <b>12</b> | <b>Giurisdicziun</b>  |
| 120       | <p>Uffizi districtual e cirquital</p> <ul style="list-style-type: none"> <li>• Ha la fusiun consequenzas per il district u per il circul?</li> </ul>  |
| <b>14</b> | <b>Pumpiers</b>   |
|           | <ul style="list-style-type: none"> <li>• Tge consequenzas ha la fusiun per la federaziun da pumpiers?</li> <li>• Duain ils pumpiers vegnir organisads da nov?</li> <li>• Nua sa chatta la nova basa?</li> <li>• Tge succeda cun ils locals da pumpiers?</li> <li>• Tge consequenzas ha la fusiun per il basegn d'investiziuns?</li> </ul>   |

|           |  |
|-----------|--|
| <b>15</b> | <b>Militar</b>   |
| 151       | Fatgs da tir <ul style="list-style-type: none"> <li>• Tge consequenzas ha la fusiun per ils implants da tir existents?</li> </ul>  |
| <b>16</b> | <b>Defensiun naziunala civila</b>  |
| 160       | Protecziun civila <ul style="list-style-type: none"> <li>• Exista in basegn da cumpensaziun tar las investiziuns?</li> <li>• Pon ils implants da protecziun civila vegnir duvrads per in auter intent?</li> <li>• Tge duai succeder cun las retenziuns (contribuziuns substitutivas)?</li> </ul> |

|          |  |
|----------|--|
| <b>2</b> | <b>Furmaziun</b>   |
|          | <ul style="list-style-type: none"> <li>• Vegnan mantegnids ils lieus da scola vertents?</li> <li>• Sto vegnir resguardada la situaziun linguistica speziala? (lingua d'instrucziun)</li> <li>• Tge consequenzas ha la fusiun per consorzis da scola existents?</li> <li>• Cun tge consequenzas sto la magistraglia far quint?</li> <li>• Datti particularitads confessiunals che ston vegnir resguardadas? Tge firads ecclesiastics valan?</li> <li>• Ha la fusiun per consequenza ina midada da l'organisaziun da scola?</li> <li>• Tge mesiras garanteschon l'egualitad en il sectur dal cussegl da scola?</li> <li>• Tge succeda cun las localitads betg duvradas?</li> </ul> |

|           |   |
|-----------|---|
| <b>3</b>  | <b>Cultura e temp liber</b>   |
|           | <ul style="list-style-type: none"> <li>• È er vegnida resguardada la situaziun linguistica speziala? Tge consequenzas pudess ina fusiun avair per quella?</li> <li>• Èn avant maun plazzas da giugar per uffants? Nua duain eventualmain vegnir construidas novas?</li> <li>• Èn garantidas en las fracziuns la "cultura dal vitg" e l'activitad d'uniuns?</li> <li>• Tge localitads stattan a disposiziun a las singulas fracziuns/vischnancas?</li> <li>• Co vegnan sustegnidas las uniuns en l'avegnir?</li> </ul> |
| <b>39</b> | <b>Baselgia</b>   |
|           | <ul style="list-style-type: none"> <li>• Tge consequenzas ha la fusiun per il(s) cumin(s)-baselgia?</li> <li>• Datti particularitads confessiunals che ston vegnir resguardadas?</li> <li>• Tge firads ecclesiastics valan?</li> </ul>  |

|           |   |
|-----------|---|
| <b>4</b>  | <b>Sanadad</b>  |
| <b>40</b> | <b>Ospitals</b>   |
|           | <ul style="list-style-type: none"> <li>• Tge succeda cun las (differentas) cunvegnas d'ospital?</li> <li>• Tge consequenzas ha la fusiun per las contribuziuns finanzialas a la regiun d'ospital?</li> </ul>  |
| <b>41</b> | <b>Chasas da malsauns e chasas da tgira</b>   |
|           | <ul style="list-style-type: none"> <li>• Tge succeda en il sectur da las chasas da personas attempadas e da tgira?</li> <li>• Tge consequenzas ha la fusiun per las contribuziuns finanzialas?</li> <li>• Ha la fusiun consequenzas per la spitex?</li> <li>• Tge succeda cun las pauschalas da medis?</li> </ul> |
| <b>46</b> | <b>Servetsch da sanadad da scola</b>  |
|           | <ul style="list-style-type: none"> <li>• Tge media resp. medi / dentista resp. dentist da scola vegn incumbensà?</li> </ul>   |

|           |  |
|-----------|--|
| <b>5</b>  | <b>Bainstar social</b>   |
|           | <ul style="list-style-type: none"> <li>• Ha la fusiun consequenzas per la gulivaziun da las grevezzas?</li> </ul>  |
| <b>6</b>  | <b>Traffic</b>   |
|           | <ul style="list-style-type: none"> <li>• È la colliaziun al traffic public garantida er vinavant en la dimensiun vertenta?</li> <li>• Restan las vias chantunalas vertentas er classificadas vinavant sco talas?</li> <li>• Tge regulaziun vala sch'il dumber d'abitantas e d'abitants croda sut il quorum da 30 ch'è decisiv per las vias chantunalas da colliaziun?</li> <li>• Tge abitadis èn decisivs per la determinaziun dal quorum?</li> <li>• È la rumida da la naiv garantida en la dimensiun vertenta? Co vegn ella organisada?</li> <li>• Datti differenzas tar il stadi da l'infrastructura? Èn adattaziuns necessarias? Co e da tgi vegnan quellas finanziadas?</li> <li>• Datti plans per realisar plazzas da parcar? Èn quels anc actuals?</li> <li>• Co vegn coordinà il mantegniment da vias?</li> <li>• Co pon en l'avegnir vegnir fatgas las lavurs communalas en las vischnancas?</li> <li>• Datti ina planisaziun da personal tar ils lavurants communalas? Po vegnir surpiglià l'entir personal vertent?</li> <li>• È necessari in plan social?</li> </ul> |
| <b>7</b>  | <b>Ambient e planificaziun territoriala</b>  |
| <b>70</b> | <b>Provediment d'aua</b> <ul style="list-style-type: none"> <li>• Datti differenzas tar il stadi da l'infrastructura? Èn adattaziuns necessarias? Co e da tgi vegnan quellas finanziadas?</li> <li>• Datti differents standards areguard il provediment d'aua? Ston quels vegnir adattads?</li> <li>• Tgi è en il futur responsabel per il provediment d'aua? (vischnanca, corporaziun, associaziun)</li> <li>• Èn sinergias pussaivlas e raschunaivlas en l'avegnir?</li> <li>• Ston las taxas da colliaziun vegnir adattadas? Pon vegnir incassadas differentas taxas en las singulas fracziuns?</li> <li>• Co duai esser concepì il nov urden da taxas?</li> <li>• Cun tge regulaziuns transitorias duain differentas grevezzas e differents standards vegnir gulivads?</li> </ul>  |
| <b>71</b> | <b>Allontanament da l'aua persa</b> <ul style="list-style-type: none"> <li>• Èn las vischnancas vertentas colliadas cun la medema serenera?</li> <li>• Tge consequenzas ha la fusiun per la corporaziun da serenera?</li> <li>• Datti differenzas tar il stadi da l'infrastructura? Èn adattaziuns necessarias? Co e da tgi vegnan quellas finanziadas?</li> <li>• Datti standards differents areguard las sereneras? Ston quels vegnir adattads?</li> <li>• Èn sinergias pussaivlas e raschunaivlas en l'avegnir?</li> <li>• Ston las taxas vegnir adattadas? Pon vegnir incassadas differentas taxas en las singulas fracziuns?</li> <li>• Co duai esser concepì il nov urden da taxas?</li> <li>• Cun tge regulaziuns transitorias duain differentas grevezzas e differents standards vegnir gulivads?</li> </ul>   |
| <b>72</b> | <b>Dismessa da rument</b> <ul style="list-style-type: none"> <li>• Restan tut ils centers da rimnada?</li> <li>• Tge mesiras duain vegnir prendidas areguard la dismessa da rument?</li> </ul>   |
| <b>74</b> | <b>Santeri e sepultura</b> <ul style="list-style-type: none"> <li>• Vegnan ils santeris existents mantegnids?</li> <li>• Po l'infrastructura existenta vegnir duvrada da tut las fracziuns?</li> <li>• Datti particularitads confessionalas che ston vegnir resguardadas?</li> </ul>   |

|          |   |
|----------|---|
| 79       | <b>Planificaziun territoriala</b> <ul style="list-style-type: none"> <li>• Tge succeda cun la planisaziun locala?</li> <li>• Tge urden da construcziun vala fin ch'ina nova lescha da construcziun è vegnida deliberada?</li> <li>• Nua duain vegnir mess ils accents tar il nov plan da zonas? (zona per edifizis e stabiliments publics, zona da mastern)</li> <li>• Tge consequenzas ha la fusiun per ils pretschs dal terren? Tgeninas per la valur commerziala da las immobiglias?</li> </ul>  |
| <b>8</b> | <b>Economia publica</b>   |
| 80       | <b>Agricoltura</b> <ul style="list-style-type: none"> <li>• Co vegnan regladas las relaziuns da proprietad e d'utilisaziun da las alps?</li> <li>• Vegnan vinavant utilizadas e mantegnidas tut las alps? Ston/duain ils purs utilizar ina tscherta alp en il futur?</li> <li>• Datti consequenzas per ils dretgs d'alp?</li> <li>• Èn sinergias pussaivlas e raschunaivlas en l'avegnir?</li> <li>• Co vegnan regladas l'utilisaziun e la tgira da las pastgiras? Sa participescha la vischnanca als custs?</li> <li>• Co po la repartiziun da las pastgiras sin il territori actual da la vischnanca vegnir mantegnida en il futur er sin il territori da la fracziun?</li> <li>• Tgi incassescha las taxas concernent l'agricultura, las pastgiras, ils salaris?</li> <li>• Co vegnan regladas las prestaziuns da lavur cumina?</li> <li>• Tge succeda cun il fond da mantegniment da las vias?</li> <li>• Tge succeda cun il fond da meglieraziun lià ad in intent?</li> <li>• Vegn la meglieraziun generala manada vinavant en ina fracziun?</li> <li>• Tge succeda cun las ovras da meglieraziun che tutgan a la vischnanca e che sa chattan en differents stadis?</li> <li>• Duain las incumbensas da l'agricultura vegnir excorporadas dal tutfatg u parzialmain a corporaziuns localas sin il territori da las vischnancas vertentas?</li> </ul> |
| 81       | <b>Economia forestala</b> <ul style="list-style-type: none"> <li>• Tge consequenzas ha la fusiun per l'uffizi forestal? Per la corporaziun forestala?</li> <li>• Èn sinergias pussaivlas e raschunaivlas en l'avegnir?</li> <li>• È il "outsourcing" d'incumbensas pussaivel e raschunaivel?</li> <li>• Tge succeda cun il persunal? (gruppa forestala)</li> <li>• Tge succeda cun il fond da mantegniment da las vias?</li> <li>• Co vegn reglada l'utilisaziun da vias e da sendas da guaud?</li> <li>• Tge succeda cun il fond da meglieraziun da vias?</li> <li>• Tge duai succeder cun las resgias communalas?</li> </ul>  |
| 83       | <b>Turissem</b> <ul style="list-style-type: none"> <li>• Tge simplificaziuns e tge sinergias vegnan spetgadas?</li> <li>• Tge succeda cun ils stabiliments da temp liber? (champs da vacanzas, stabiliments da sport, ...)</li> <li>• Tge consequenzas ha la fusiun per ils pretschs dal terren? Tgeninas per la valur commerziala da las immobiglias?</li> <li>• Tge succeda cun la participaziun da la vischnanca vi da manaschis turistics?</li> <li>• Datti differents interess en il sector da la promoziun dal turissem?</li> </ul>   |
| 86       | <b>Provediment d'energia</b> <ul style="list-style-type: none"> <li>• Datti contracts cun differents furniturs d'energia electrica?</li> <li>• Co pon quels contracts vegnir observads resp. adattads?</li> <li>• Datti differents pretschs d'electricidad? Vegnan quels adattads?</li> <li>• È l'ovra electrica proprietad d'ina da las vischnancas? Co èn regladas las relaziuns da proprietad?</li> <li>• Datti dumondas en connex cun il concessiunament?</li> <li>• Datti differenzas en il sector da l'infrastructura? Vegnan quellas adattadas?</li> </ul>   |



|    |  |
|----|--|
| 89 | <b>Economia publica generala</b> <ul style="list-style-type: none"> <li>• Tge succeda cun las stizuns e cun ils restaurants che tutgan ad ina da las vischnancas? Vegnan tuts sustegnids vinavant da la vischnanca?</li> <li>• Tge succeda cun ils uffizis da posta?</li> <li>• Tge consequenzas ha la fusiun per las proprietarias e per ils proprietari da bains immobigliars/per las possessuras e per ils possessurs da terren?</li> </ul>   |
| 9  | <b>Finanzas e taglias</b>  |
|    | <ul style="list-style-type: none"> <li>• Co succeda la repassada da la bilantscha?</li> <li>• Co vegnan transferidas las finanziaziuns spezialas?</li> <li>• Tge succeda cun la facultad da la vischnanca burgaisa?</li> </ul>   |
| 90 | <b>Taglias communalas</b> <ul style="list-style-type: none"> <li>• Sut tge cundiziuns duain las vischnancas pudair adattar lur pe da taglia e lur taxas avant la fusiun?</li> <li>• Sin tge autezza vegn fixà il pe da taglia?</li> <li>• Co sa laschan motivar las adattaziuns dals pes da taglia vertents al nov pe da taglia? (differenzas tar il standard da cumplettaziun en las diversas fracziuns, differentas perspectivas da svilup)</li> <li>• Duain eventualmain vegnir incassadas taglias da fracziun per in temp transitori?</li> <li>• Ston vegnir fatgas midadas tar las taglias e tar las taxas?</li> </ul>  |
| 92 | <b>Gulivaziun da finanzas</b> <ul style="list-style-type: none"> <li>• Tge consequenzas ha la fusiun per la classificaziun da la forza finanziaria e per il dretg da survegnir contribuziuns da la gulivaziun da finanzas?</li> <li>• Chaschuna la fusiun midadas tar las prestaziuns concernent la gulivaziun da finanzas?</li> <li>• Co vegnan tractadas en las singulas politicas sectorialas (meglieraziun, gaud, correcziun dals curs d'aua) las subvenziuns garantidas a projects d'investiziun?</li> <li>• Pon ovras cumenzadas vegnir terminadas cun las subvenziuns e cun las contribuziuns da gulivaziun da finanzas ch'èn vegnidadas garantidas sin basa dal dretg vertent?</li> <li>• Vegnan concedids terminis transitoris?</li> <li>• Per tge vegn duvrada la contribuziun da fusiun?</li> </ul> |
| 93 | <b>Concessiuns</b> <ul style="list-style-type: none"> <li>• Co pon contracts da concessiun existents vegnir adattads? Per tge vegn duvrada la contribuziun da fusiun?</li> </ul>   |
| 95 | <b>Finanzas generalas</b> <ul style="list-style-type: none"> <li>• Tge succeda cun las relaziuns da padrinadi?</li> <li>• Cun tge sustegn finanziel dal chantun po vegnir fatg quint? (custs dal project, contribuziun da fusiun, ...)</li> <li>• Tgi paja ils custs da surpigliada unics?</li> </ul>  |